

晏

雲

閣

集

自序

文章之事難矣，非有偉人杰士，雖文之佳，不必傳世。況其不佳者乎？記癸未夏秋，養疴秦州書院，檢閱舊著，稍自編輯。以後所作絕少，自官刑曹從事，鈇科筭格中吟詠，幾廢。吾友蔣君澹懷，以詩名江南北，與予交最密。所至輒有倡和。壬寅冬，澹懷以亾姬之悼，里居鬱鬱，作書招之。今年四月，至京師，出其手定詩示予。予請付梓。澹懷曰：我輩詩，那得傳，而欲梓，諸必欲梓，諸我二人同，予不得已，諾焉。蠅書蠹臂，互相校勘。澹懷得分體詩四卷，予得古今體詩五卷，附錄二卷，外集與詞各一卷，又隨

墨雲閣詩鈔

自序

筆一卷，先後剗剗孰意剗剗未竟澹懷已捐館矣澹懷之詩卓乎可傳予則下里巴人耳因鋟澹懷之詩而鋟予詩而澹懷并不及見之也此豈事之所能料者耶爲志其緣起如是道光癸卯十有二月六日曹楸堅良甫氏自識

雲雲閣集目錄

第一卷

詩九十二首

第二卷

詩一百二十五首

第三卷

詩一百三十五首

第四卷

詩一百三十六首

第五卷

詩一百十二首

第六卷

以下續刻

詩一百三十二首

第七卷

詩一百十二首

第八卷

詩一百首 遺十五首

附錄一卷

詩三十首

外集一卷

詩五十二首

詞鈔一卷

詞七十五闕

曇雲閣詩集卷一

吳縣 曹楫堅 良甫

滇池

一碧三百里浩然生遠秋直教楚地盡長作漢時流遺
蹟空神馬吾生慚白鷗風帆向何許歸夢忽滄洲

擬孟東野

丈夫志四方一朝言別離是君獨往日是妾獨處時千
里萬里別一日兩日思君行有時至妾思無盡期不願
爲君婦願爲機上絲絲成爲君衣君去衣相隨

朝夕思故人故人天一涯我思彼不知坐令日歎嗟不

如飲此酒一飲盡一斗酒盡愁更生愁多不可名何以
比愁骨斷草薶石碣何以比愁腸雙輪轉中央

妾住巴水西郎住巴水東咫尺不相見卽與千里同妾
心如順風一日徧百州郎心如急湍湍急無回流團團
兩明鏡白晝光似雪舊顏辭新顏歲歲鏡中別

西風催行客相送到河橋不聞人語聲但聞馬蕭蕭送
別豈無語欲語魂久銷長條攀已盡願言折短條綠楊
變衰柳能不朱顏凋

世上無離別人間少白髮白髮銷人顏離別銷人骨登
高仰眾星何有參與商還覽極四海何有梯與航水行

願無舟游子弗得渡山行願無馬游子有回步游子不
可挽山水長迢迢妾心同蘭摧郎身似蓬飄

度玉笥山望撫仙湖

雲根千尺斲蒼玉絕頂風松韻琴筑山迴忽入明鏡中
螺影涵空淨于沐環隄樹色遮郡城對岸村煙出茅屋
天清日曠沙鳥飛祇少風帆雨三幅浪游那羨千金裘
得飽青魚願已足四更月黑拋網時徑思襍被漁舟宿
湖出青魚 黑夜始得 吾家本住山水鄉萬里因人悲碌碌終須歸
卧五湖濱一竿穩釣寒江綠

潮音洞

到門不知路，洞戶晝陰陰。
古木鳥聲遠，空潭龍氣深。
無因謝世事，欲此彈鳴琴。
惟有白雲在，解余清淨心。

題畫

清鐘幽刹近流水，小橋寬微雨洗新綠。
遠峯生暮寒。

齋居卽事奉和督學葉琴柯

紹桂師

一點螺峯黛色侵，松濤入戶自蕭森。
竹籬雨過夕陽見，花氣半晴天半陰。

青華洞詩

有序

洞距雲南縣城五里，道經三十六洞天之一也。中多靈篆，祕笈爲積水所阻。乾隆初，某觀察於水落後，借僚佐

進游畱詩石壁後遂無至者

吾聞大地三十六洞天其一乃在榆城洱海之東偏峭
崖撐空日月蔽中有萬古窟宅藏神僊遠從崑崙劃地
脈仰际井鬼森星躔丹霞冠嶠嶢絕頂開青蓮玉池沃
沆漑石乳垂甘鮮綠蘿紫藤互蒙結抉破一綫天光穿
天風忽吹毛髮豎縹緲直上恍見雲旗翻是日大風珠衣雀
扇來便嬾神君手控珊瑚鞭語我金堂玉室之祕要吁
嗟秦皇漢武無長年白雲在空招之不可下下有蒼螭
赤虬杳襲而蜿蜒洞口崕岫洞門閉但聞四山冥冥嘯
愁蛟飛者難入行者難前洪濤頊洞幽谷袤延何人到

來鑿幽險白晝炬火搜神姦赤文綠字欲讀那能讀片
石留此宜有蛟龍纏君不見燕齊方士好迂怪扁舟誰
度蓬萊巔蓬萊亦在虛無間

天生橋

西出龍尾關長風起林壑紆迴俯平岡直上削靈嶠天
低眾峯偏涂危寸步卻元氣斡混茫層陰互包絡石梁
跨飛虹何年五丁鑿奔雷走怒瀧匹練灑晴瀑籌荒窟
隄隄若密門枝格夕煙生孤墟寒翠溼雙屨攬轡躡崔
嵬白雲高不落

霽虹橋

陰厓插層穹蒼寒撲人面壁立阻嶇嶽磴迴行撒旋鳥
嗚不知處猿影時一見叢深竹翠交峽逼藤梢胃欲流
瞰蘭滄益濤灑晴霰危梁穿鐵絙嵌空挂匹練俯眎惕
屏營仰矚駭冥幽夕陽開林光前峯墮雲片祠宇聳岩
巖清風緬羽扇長懷灑水勳欲采溪毛薦理策鶩征涂

耽幽寄遐呵

橋北有武侯祠

水雲庵小憩

經旬策疲馬初地此重來嵐翠四邊合野花隨意開古
鐘畱款識壤礪半莓苔欲共山僧語斜陽無那催

村行

青山巖巖水鱗鱗垂楊曲繞溪之濱農家煮筍餉耕去
雞犬柴門空自春遠聞稚子扣牛角徑轉村灣入深竹
客行半日不見人一片松杉墮寒綠

題錢叔美紀游畫冊

東坡足跡半天下我道先生是後身絕塞蜻蛉傳畫稿
空山魑魅識詩人丹青未療貧如洗咫尺還看技入神
寄語阿昌留秘笈手圖五嶽壻嶙峋

寄兩妹南中

自小哀無母今俱及嫁年兩棺萬里外一慟瘴雲邊先
祖娥先妣有姊還憐女全家久滯燕中宵望明月三五
旅概在滇

正團圓

馬龍道中

徑轉忽聞瀑空林疑雨來奔流千弩下絕嶂五丁開山
水緣長在登臨首重迴人家秋色裏殘葉墮莓苔

夢入迤西道中

疑入哀牢境干盤繞石梯嶺腰埋雪斷峽口束雲低毒
瘴侵人面寒冰裂馬蹏勞生原是夢落月曉雞啼

偕友人出郭至興福寺卽詠

敝裘茸帽獵春寒客裏游情尙未闌駿馬須畱名士賞
時借乘徐春芭馬好山原當美人看一聲幽磬石蘿動幾點野

花風露殘更向精藍訪支遁齋頭欲悟上乘難

同人儼小樂府分得八首

長信辭

罷舞寬衣帶凝顰溼粉痕羞將明鏡照妾自負君恩

銅鞮曲

春來武昌柳吹綠武昌城莫待子規語妾知郎有情

長干曲

儂居桃葉渡歡住三山街殷勤語雙檝祇莫仿秦淮

囉噴曲

不許春風到羅幃日日垂夫容花正好是妾斷腸時

塞上曲

黃沙古戰場，獵騎紫游縵。直過狐奴縣，彎弓向白狼。

照鏡詞

鬪掃妝成後，生憎對鏡鸞。不將舊容色，畱與葉礎看。

子夜歌

歛手無多子，分明一局棋。朝來看璘藉，宛轉有千絲。

羽林郎

羅敷十五六，夫婿執金吾。笑問韓嫣彈鄰家，拾得無。

三月十九日同蕭雲巢魏曉門兩明府胡峙齋蔣

星查沈芹浦登太華山縹緲樓夜宿一莖軒分

韻得樓字

我登太華頂披豁開雙眸振衣作長嘯高興凌滄洲周
環昆海三百里一碧混濛西南陬澄瀾倒瞰金剝動飛
雨忽捲朱蕞浮蒼茫城郭不可辨但見一葉吹輕舟長
隄高嶢勢聯絡波心出沒容鳧鷗道人指點共歎絕云
此奇境難窮搜黑夜閃屍神物戲房星燭水騰驂駟驚
濤陡起昏霧合恍忽下見雙潛虬其西峭壁臨萬仞中
有石屋精雕鏤綠崖直上爭一綫枯藤倒挂飛鳥愁登
臨忽發懷古興白狼槃木登羌謳自從西征闢邛笮遂
使沫若通庚郵彩雲甘露紀荒徼寵王玉印尊炎劉鄴

剛城開五詔併炬火夜燼松明樓銅鼓銷沈鐵柱壤要
惟有德能懷柔古今陳迹付爨弄白日欲匿頽波流何
人慷慨擊如意座上有客皆羊求龍蛇天矯出挽底共
揮大筆如霜矛鳴絃再彈碧雞叫西山鐵立風颼颼嗟
我作詩愧郊島自笑蠻語同鉤輈不如竟醉卧禪榻團
蒲一覺槐宮秋

曲江曉行示陶大

景濂

馬上數星斗不知山路高悲風起深樹落月暗征袍奇
險我能說壯游君亦豪前涂見村舍取醉覓松醪

奉寄程葦村師卽次原韻

夫子蕭然白髮生涼風天末不勝情驪駒直恐嘲王式
婚嫁猶教累向平絕徼煙花酬酒債故山蜩鳥識詩名
橫經得了從游願自覺年來萬事輕

星回節

有序

唐時鄧賧與蒙舍蒙嵩越析浪穹施浪各受爵爲刺史
稱六詔蒙氏浸強謀并爲一乃會五詔於松明樓鄧賧
妻慈善力阻賧勿往弗聽乃以鐵釧約賧臂及會蒙氏
焚五詔於樓五詔之妻等夫骸不能辨獨慈善檢釧得
之蒙氏異其慧欲納焉慈善自焚死蒙氏旌其城曰德
源賧被焚日曰星回節慈善死節於六月二十五日滇

人哀之每年是日燃炬以弔曰火把會云

德源城一夕破松明樓一炬過善闌臺中啞酒賀鐵劍
一雙屍一箇龍吟秋秋烏嘸啞啞蠻王死蠻妃嫁息夫
人處楚宮妾不受妃子封血淚併作烈燄紅烈燄紅冤
不雪靈之來星回節

滇中懷古

日落叢祠黑水寒碧雞山色迴巘岈繩橋路險誰能度
鐵柱功高定不刊六詔版圖歸驃信三方兵甲阻頭關
博南自有行人到劍外休歌蜀道難

頭關卽且蘭三方見漢書西南夷傳

贊

赤虺河收楚道平元戎何事更南征漢家舊賜龜茲樂
蒙舍新兼善闡城一自御牀看舞馬翻教京觀築長鯨
萬人冢上秋蕭瑟長聽荒原鬼哭聲

赤虺炎河駱賓王
露布中語

七星關外喜追奔紅粉新酬總管恩滇海月明收雀膽

蒼山春冷拜鵑魂波潏雲片人何處冰鑑銀臺淚暗吞

不用遺書換金馬歸車先睹繡旗翻

杜鵑啼破點蒼春
楊淵海題壁詩冰

鑑銀臺前長大歸車獨別洱河東均段光怒怨
詩待金馬山換作點蒼山段寶答梁王書中語

戎馬倉皇走錫波回天空借魯陽戈游魂應伴昆池島

荒草長蕤篋子坡祓禊佳辰悲咒水當墟遺事說楊娥

五華宮殿無尋處依舊嵐光擁碧螺

明師平漢元梁王
赴昆池島中自瀾

灰篋子坡吳三桂縉永明王處當壚曲見王永齋集記
楊娥事甚詳五華山三峯連峙左曰祖徧右曰螺巖

丙寅六月十九日出滇省作

愁思茫茫未可論當筵悵悵舉離尊生無弱弟分家累
沒有慈親痛旅魂絕徼尙回遊子夢征衫重染斷腸痕
五月中省家大人於蒙自遙看落日蕭條處幾點昏鴉繞暮村

板橋驛口號

垂柳陰多暑乍消西風吹鬢感蕭騷馬嘶人語黃昏後
記取歸程第一宵

廿一日宿馬龍爲雨所阻訪張明府慇懃畱飲署

齋廿三日次霑益明府馳寄見次前韻之作鐙

下奉酬并以敘別

歸客亦何罪似觸天公怒一雨成愁霖水漲阻前路隔
宿戒行裘明發不能去官舍訪故人畱連易日暮離觴
重須把咄嗟爲治具坐中劉秀才去歲曾一晤握手各
道舊談論及詞賦始知連日雨天意畱客什客住亦偶
爾知己難再遇今晨馬上別停鞭屢回顧遙山翳層雲
空水積寒霧風吹時墮幘泥深或沒勝黃昏遠俟館張
口作欠欵新詩急足傳款款見情素挑鐙再三讀讀罷
復躊躇滇中幾詩人雲散一何遽時補袞時齋同時離滇君亦將解銅北上
介并慨無期軌涂各奔鶩別魂忽飛揚肝鬲鬱難吐雞

鳴僕夫催殘月在高樹

老鷹崖歌

何年天上瑤光星化作鷲鳥名青冥竦身直到百蠻域
歛如鵬鳥來南溟神游八極志太高帝遣六丁授碧縑
高髻禿顛忽躑躅結根儼與地軸牢君不見滇南土人
不識鳳呼作碧雞莽搏控千年使節不可求叢祠日落
悲風動羅施自古號鬼方老鷹骨立撐空蒼戴之那用
巨鼇首飛來疑在靈鷲窟蟠穴豈無毒蛇虺失林時見
驚磨磨青松夭矯盤黛色白雲窈窕連崇岡吁嗟世間
不少鷄與隼肉食貪饕意無盡饑爲人用飽則颺毳毳

卻畏霜風緊神鷹翻使絳叢棘眼中天地愁偏窄金鉤
玉爪困束縛狐兔縱橫搏不得我欲訴諸閭闔門脫其
械扭招其魂雄姿豈與燕雀羣快睹六合梟鷲分一朝
得與長楊獵天子封以凌霄君山之靈兮聽我歌時兮
不來君柰何鳴鴉自有雲霄分寂寞空山怨薜蘿

黔山雜吟十首

南出蛾螭塘記險從此始山脈悉聯絡形若臂使指又
如駿馬足一逸不能止峭根拔地生危峯倚天起光含
朝暎紅氣積暮煙紫雲闕壁面削雨過翠骨洗行人望
不見下馬秋色裏

行行大山凹復至大山了

俱塘名

眾嶺鬱蜿蜒深谷含嵯

峒頑石踞豺虎攫人森齒牙馬行穿細霧鳥歸帶殘霞
岳樹夏生果澗卉秋垂葩村舍急雲碓溪田翻水車曠
然清風來吹我烏帽斜落日滿墟里裴回數人家

陰厓不可狀作意露奇態回峯互相抱環巘遙作對初
排雁行斜忽作鷁飛退枯松偃鱗甲怪石羅細碎仰見
雙鳥過上有片雲礙鑿幽始前人尋險自我輩一徑繞
羊腸夕陽在牛背

東下南車坡去路繞山腳羣峯偪霄漢回望勢窄愕駐
馬庚戌橋昏霧暗林薄飛雨過山來助以風勢惡獨立

如饑鶴側翅無由掠厓傾石陡墜勢欲與人搏輿夫報
路隔坐待新漲落夕陽開遙岑天宇喜晴廓

是日庚戌
橋遇雨

羣峯自西來一嶺踞其背巍然有驕色屹立無兩大白
雲儼屏障萬木森旌旆不知晴翠生浮空變煙靄懸巖
瀉奔瀑淺石激飛瀨澗合鏘笙竽悠然得天籟神游心
自靜遐舉脫塵壒

松風吹女蘿下馬入深碧厓腹春開朗憩坐散巾幘疎
雨滴巖竇泠然如仙液雲稀養薄陰苔古斷新迹好鳥
忽歸來清吟伴幽客洪喬今已去遺此千古宅我亦謫
僊人胡爲苦形役長歌采山芝永與塵世隔

修林不知醫眾木吟寒蟬山深抱嵐翠秋色墜馬前溪
迴緣小橋斷流鳴濺濺隱約見禪刹亭閣虛蜿蜒山僧
餉客茶自煮山中泉我欲訪精舍落日催征鞭荒墟暮
煙合獨數投村鷲

峭厓忽中斷微徑開一綫輿夫盤曲折足力誇隼健嗟
我策疲馬事異之反殿預愁馬足倒心怵目更眩一落
勢千丈力與鬼神戰挂壁叫猿狖連雲森竹箭山花不
知名風吹撲人面扳援到峯頂平路欣得見出險景已
失作詩追露電

絕壁東天險戰壘遺舊蹟在亦賞士人道往事小醜昔

猶獺一炬村墟空百里巖谷赤至今河水頭

今毛野草

僵白骨蝮虺斷厓雨狐拜荒冢月弔古生餘悲滄桑幾
更易極目寒煙蕪長空飛鳥沒

縹緲乘絕險快覽黔山形千里勢結束鵠峙兼鸞停陡
如鷹脫鞴森若屋建瓴石髮蓄婀娜雲骨開瓏玲躡足
凌層虛天風吹泠泠陰晝嘯魑魅破厓棲幽靈我欲持
長鑱松根斲茯苓手招安期子朝天駕雲駟

黔南道中書所見

山風捲沙作黃霧行人策馬溪邊渡野花照溪溪水香
苗女提筐滿山路山南來山北去牙梳插髮新月吐關

腰鑿鬆短袴護雙膝自褻爛斑布不識人間有窮袴

拉挪坡

上上拉挪坡坡路迴羊腸千盤復百折汗出走且僵矯
首偻天門俯眎但空蒼升高作緩步日暮憂涂長輿夫
前語我何爲獨旁皇坡南有新徑近可十里將不知何
人闢實據要路吭其徑復何如願得言其詳坂曲無磴
級積雨泥淋浪碎石疊路心亢趾易見傷兩旁多叢棘
鉤刺損衣裳惡樹不識名中有蝮虺藏往往從此過竄
林見驚巖復有饕餮獸攫人很如狼日落不敢行隨身
須刀防要因貪近捷絡繹來者忙來者誰最多云是賈

與商躑躅守迂步何時達康莊所以澹臺子落落成孤芳

途中呈李石農廉訪

鑿宜

繡衣風骨本昂藏乍喜褰帷到瘴鄉執法豈容無戴胃
舞文每見有張湯

廉訪以平反疑讞事爲某中丞劾免將歸靜樂

還家夢度千

山月報 國心看兩鬢霜同是征輶來往地黃昏鼓角

鼓蒼涼

都勻山行

罡風自天來陰崖陡吹裂徑坼容一綫嶄如刀劍截
墜不計丈直落虎豹穴踵趾錯前後蹒跚類跛鼈樹腹

虬枝撐峰腰獸石凸陰洞闕神怪萬古氣凝結瘴雲冠
其鵲飛鳥不敢越山精戴鬪髀夜拜峯頂月恍忽在馬
頭見人舞且泣飛蓬嘅身世才了氣含噦手無白木鏡
拊心增惕息

由三腳堂至古州舟中作

山截一篙轉舟輕百丈牽灘聲來鬼國野戍斷人煙此
際悲行路吾生付長年

從放翁長
讀作上聲

矮篷祇三尺白晝亦

欷眠閩王小鬼諸
灘極險惡

下江

繫船下江口墟落寒煙屯村犬遙吠客人家早閉門舟

人語沙岸絕異塵市喧孤螢照篷背亂蛩吟草根須與
明月上一掃陰霾昏水行船似動清光歛吐吞遙情託
楚些夕怨絨芳蓀松醪取薄酌雜坐傾盆罇忽憶下灘
時雪浪窮掀奔涉川凜前戒俛仰危心魂夷險亦偶爾
有酒且勿論

入廣西境

牂柯東下水程寬如箭驚流過急灘八月秋清消瘴母
百蠻天險聚獐官沿村共織爛斑布近海誰探赤白丸
時洋匪未平聞說柳城山最好支頤容我幾回看

八月十五夜泊舟懷遠縣細雨無月作歌示閩人

天公不遣明蟾出亂雲補盡青山缺爲恐清光一照人
征夫怨女都愁絕萬里陰晴同不同瀟瀟寒雨灑孤篷
煙橫古戍逢歸燕風起長天叫斷鴻鴻來燕去年華換
天涯回首增腸斷蠻語空傳白黑丁家書已隔東西爨
去年今夕在且蘭玉宇無聲翠帳寒未渡銀河水清淺
先看桂樹影團團團團依舊添悲淚六月炎荒促征騎
銅鼓山頭暮靄深蕉花江外層波駛渺渺江波去權遲
與君且盡手中卮夜長獨譜嬾娥怨二十五聲秋點知

柳州道中

沿岸郵亭畫擊柳貪看山翠倚篷窗西南夷俗分龍戶

東北灘聲走象江樓櫺晴空開遠徼浪花秋節和新腔
浪花歌名客懷除酒無消遣買得溪頭鯉一雙

羅池謁柳柳州祠

若垠劃窮荒奔流恣滴瀝八龍蜿蜒來遺蛻作山骨畫
戟儼清森雲車睹恍惚夙秉蘭玉姿談笑朝天闕朝披
鶴頭書夕佩魚須笏置身九霄間一墮煙瘴窟失路各
齎咨對面判秦越播州雖未遷高誼不可沒秋江見鱗
鱗鱗雨嗁深掘健筆括混茫真宰怒剗刷衣冠渺一邱
文字開百粵蕉荔羅芬芳塵容作修謁頽垣讀古銘蔓
草仆殘碣黃鶴去不還叢祠掩蘿月

龍城卽郡城相傳
八龍見江中故名

祠有東坡書碑并石刻遺像先生手書劍銘墓
在祠後黃鶴與誰同一去陶弼思柳亭詩句

江口月夜

乍識清秋味如斯良夜何虛樓含月迴淺渚聚星多遠
火低笳語橫雲過劍歌不須占五兩前路足風波

粵江舟行口號

雲起蒼梧萬里愁荻花楓葉畫殘秋金鷺山色陰晴變
銅鼓灘聲日夜流

書感

回首天涯涕淚中廿年蹤跡歎飛蓬浮船已出黔江險
發卒猶傳漢使功白鳥晝曠榕葉雨烏蠻秋老蓼花風

儂家亦傍溪山住準擬歸時買釣筒

舟中雜詩六首

水複山重處舟行指翠微歸龍穿雨過去鳥背帆飛野
燒延殘火湖陰散夕霏江鄉勞遠夢風景認依稀

峽束雲霾斷灘高岸石奔山居魍魅熟蠻俗鬼神尊最
見邊城角能傷旅客魂扁舟宿何處蘿月又黃昏

對岸人家少蕭蕭蘆荻灣湖平雙舫下灘急一鷗閒絕
壁插霄漢靈僊時往還相期荷鏡去好把藥苗刪

古木騰蛟狘蒼厓長蔣蘿鳥銜斷霞去船載暝煙多落
日收漁網臨風發櫂歌五湖歸未晚泛宅計如何

銅柱勳難再題詩亦壯游山從百粵起水合二江流葉

暗桃榔雨香清蒨荔秋風帆吹五兩燈火泊潯州

右江自牂

柯入粵合左江于潯

毒熱秋兼夏昏嵐雨乍晴奇聞談土俗枉道滯歸程苗
女縫山屨獐丁事火耕盛時邊患息無復用狼兵

梧州

城上吹寒畫角哀應教南客涕雙垂瘴來桂嶺雲深處
夢度藤江月落時蠻女自工鸚鵡舞歸人休唱鷓鴣詞
祇今峒嶮碑猶在千里蒼梧有所思

花田曲

白虹化作白龍見

胡甸切

七寶鑪熏透珠殿芳林園裏千

花開共把黃金買春燕妾貌如花紅妾心喜花白花白
花紅能幾時朝歌暮舞君憐惜東風不到玉皇家一陳
嘯鵲弔花魄君不見雷塘西畔玉鉤斜雷與詞人賦暮
鴉女兒各有花顏色還向花田去買花

廣州竹枝詞

荔枝灣頭儂去嬉荔子熟時郎又離郎到三江不見口
江心波浪只儂知

蠟殼窗新六扇開羅浮蝶子一雙來道是越王歌舞地
明朝先上越王臺

疊起春衣只著紗銀絲兩朶鬢雲斜郎心愛紅儂愛白
花田多買素馨花

鐙船夜半一齊開行到中流簫管催不知郎向誰處宿
昨日有人沙面來

將去粵東書感

身不因人熱心甘與世違西風連夕起秋燕傍誰飛貧
賤時多忌文章道所歸瑤琴一再弄豈必賞音稀
落日嗁猿淚秋風病驥心妻孥增客累天地入愁吟岸
闕帆飛遠江空笛響沈偏親猶萬里悵望白雲岑

十八灘

向夕扁舟過萬安刁調朔吹颭檣竿歸程不到三千里
客路初經十八灘楓樹煙深漁火沒荻花秋盡鴈聲酸
也知世事多惶恐我與孤臣一樣看

章江舟中望西山作

片帆獵獵朔風催綠水如澠照酒杯獨鳥帶雲寄塔去
歸龍分雨過江來潮經彭蠡銀濤險山對松門石鏡開
一窖紅塵消未得鸞岡回首鬱崔嵬

舟次枚港懷姚大

登瀛

遙山遞層陰寒翠滴我衣晴空白雲合曠岸人煙稀經
旬淹水宿嚴颭捲夕霏篷低客子卧市遠檣烏飢倦郵

清晨晞髮出門去如醉兀兀無一語歸時不覺愁顏開
山妻問從何處來卻探袖中滿詩藁作自稽山之賀老
珍如紫麟之脯駝嘒藥侑以青田核不用黃金觥東甲
南丙西方庚五色禾向瓊田生又如僊人跨赤鯉駕青
牛海風侵肌涼颼颼蓬萊倒景日月浮上有五城十二
樓先生溟陽老刺史范甌生塵飢欲死短狐銜弩巧伺
人白髮蕭蕭煙瘴裏老鷹厓高翠岬而嶽崙螻蛄弔月
兮蒼蠅哀吟先生歸來兮綠白石以穿青林得不於此
回千里之車揮七絃之琴寫彼騷人遷客萬古不滅之
愁心老鷹厓諸作
俱極譎麗有田不歸如江何歸來且爲先生歌

銀鑿落金叵羅扶桑日照桑榆多不見滄海日日生風
波我欲南求句漏砂東割龍須草夫丁婦壬水火妃二
八姪姪變翁媪一朝雞犬來雲中何必牛衣涕泣爲妻
子何必吟詩苦學號秋蟲大笑與君兮乘風而裴回下
指塵世擾擾小如滄溟之一杯

別補裳刺史

丙寅之六月別君於渙中謂當不相見從此分西東意
料所不到浮雲合飛蓬錢唐一見面君目不轉瞳驚喜
忽出聲駭倒有兒童君在渙多官累舒太守爲之理料
得歸余走訪時喜極狂叫畱飲劇
歎日落天已黑窮巷來悲風重洗步兵廚盤餐爲我供

白髮粲清辨吐詞氣如虹君猶退之豪我嗟孟郊窮相
期明聖湖扶醉支青筇翩翩堂上燕冥冥天際鴻便當
理歸櫂卧聽寒山鐘此會良可惜此別何怱怱人生幾
合并來去無定蹤離觴不能緩飲罷涕霑胸聽我歌一
曲一曲聲未終今夕復何夕燭影搖淒紅

丁卯夏自錢唐歸里述懷

梅雨漬層陰白晝鼠噉室空囊久無錢敝衣難典質細
君強解事殷勤擇吉日垂柳傍河干扁舟待明發外黃
不可居他人復奚恤客久厭風塵途窮少親暱百計艱
一屋書空徒咄咄所嬌添丁兒何時克繞膝我較杜陵

叟并乏橡與栗亦欲師計然治生已無術況復冠儒冠
顛倒持不律黔婁事事乖相從比鷓鴣轉念萬里程放
浪山水窟蠻荒習鉤輅人煙曠蕭瑟偶然覓村醪一醉
百憂失買宅願難酬借隱志可必歸去五湖濱長吟弄

風月

雲雲閣詩集卷二

吳縣 曹楫堅 艮甫

雜詩

我無數畝田出錢以糴穀又無數椽廬出錢以賃屋儒
冠世所賤生計坐日蹙也知阮籍窮不煩詹尹卜破釜
生游鱗缺鎗然枯竹詰朝視牀頭餅空無遺粟那得藿
與葵一飽鼓吾腹晨昏阻萬里犇走勞諸叔門戶竟誰
支毋乃生使獨腸空貯悲淚輪轉摧九曲咄哉飢欲死
聞諸東方朔可憐伏日歸猶遺細君肉
有姊適京師遠在天一涯經年書不到聞有甯馨兒家

中兩弱妹相將及嫁時何當牽犬賣飢寒尙難支日夕
事鍼黹手挑五色絲天吳及紫鳳袿襦炫葳蕤阿兄拙
生計落拓苦吟詩既乏黃金釵爲汝飾容儀又無白地
錦與汝作嫁貲哀哀生我母十載痛長離不及見汝嫂
跪而捧盤匱一念寸腸裂塌然摧心脾

今年生嬌兒骨相頗秀出頭玉自礪礪雙瞳如點漆殷
勤外祖母珍愛不離膝彌月返姑蘇轉眼過百日漸能
識啼笑未解弄梨栗屈指六月間大父得消息一見添
丁信喜氣定洋溢家貧事出門此計吾已必客館總淒
涼寒鐙最蕭瑟那竟捨汝去腸斷心如織卻願細君言

襁褓費爾力他時錦闥中長安好相憶

時擬北上

瞿夢香

紹堅

出示令叔菊亭明府所貽蘇文忠小

像并用獄中寄子由詩韻贈其南歸之作屬子

追和

吹律驚回黍谷春共知坡老是前身南冠涕淚悲千古
北海交游有幾人天上蝦蟆能蝕月中翹翹亦稱神
楞伽堆几從頭看禿鬢蕭騷感舊因

甲子君在都中爲
讒人中傷論戍贖

免

薊門秋早夜悽悽月冷桑乾雁影低高行也知羞刻鶴
壯心應自悔聞雞人傳張儉能爲客我道梁鴻賴有妻

歸去鸚夷容載酒扁舟散髮五湖西

贈王惕甫丈

芭孫

風教扶持任亦難翩然走馬出長安
江南山水此名士
世外神仙如冷官
共道鷓鴣詩絕唱也
憐昔菹味曾餐

清詞寫徧維揚景
廿四橋頭一倚闌

近自揚州回

先生猶是孝廉郎
袞袞諸公到玉堂
我卜聖朝終不

棄人言造物竟容狂
瑯琊家世宜編集
衛李書名早擅

場謂墨琴

同向鱗鱗溪畔住
一尊閒話水雲鄉

時余自白蓮橋

移居
封門

蘇小墓同夢香作

舞裙歌扇久成灰，賸有荒涼土一堆。不是玉魚珠柙地，

青燐還認墓門來。

湖北多南宋宮人攢址

殘碑一角姓名鐫，漠漠湖光帶晚煙。除卻青衫來酌酒，落花嗚字是年年。

二月十五夜同夢香泛舟西湖紀事

拏舟明聖湖，蟾輝皎初升。溶溶水煙合，薄如秋雲凝。嵐翠瀉一抹，石髮交鬢髻。樓臺渺瀛宇，星河低玉繩。露氣四圍白，萬象胸中激。俯首視荇藻，片片鋪青綾。風定月在水，耿如長明鏡。忽焉動微瀾，清光散千層。孤亭水中央，危闌不可憑。

湖心亭已傾圮

老葑勢日積，彌望嗟陂芳。懷哉

蘇白守遺績千秋偁高興有吾徒弗數嵇阮朋漱齒發

清語冷于六月冰夜半燐火出毛孔森凌兢

是夕所見魚跳

波乍劃鶴響山爲磨狂吟君已歇薄酌吾猶能更擬換

雙屐往訪退院僧

謂小頭

靜聞蒼蔔香超然悟上乘晴雨

幾番到此游得未曾

杭人云晴游不如雨游雨游不如月游

斜月看西墜

隔岸呼收醫明日兩峯下危級重扳登

補裳刺史餞余於湖上萬峯樓口占爲別

孤山重爲訪林逋省識春前舊酒壚今夜段家橋畔月
笛聲催我去西湖

寫懷

倦鳥弗擇枝窮士無遠期造物不相假觸景徒嗟咨秋
陽酷於夏汗出如流澌豈不念早涼一蘇筋骨疲卒歲
無衣褐卻願恆炎曦風雨忽然到愁病難兼支浮雲蔽
陽曜似怪羲和遲扶桑催倒景行赴北陸馳淒淒候蛩
鳴凜凜徂年悲山妻苦肺疾咳唾無已時病足又數月
近地無良醫小兒不解事苦索梨栗持衣裳弗存笥何
論金珠爲判將牛蟻耳坐聽號寒饑皇天不降惠千里
成瘡痍蹲鴟不可得流鴻哀何之淮揚半魚鼈居民紛
遷移有妹嫁犇牛日夕懷憂思地隔音信斷神勞魂夢
疑百憂攢肺腑涕落如縷糜願言窮途客慎勿覽此詩

報罷

戊辰九月

翩然席帽趁歸帆相共題詩倚翠崑

試後借彭霞峯歸同登燕子磯那

有江山如白下本無涕淚到青衫沈疴祗是愁荀粲異

術何從問季咸

婦病日劇

幾日西風嘆搖落庭前芳草一齊

芟

秋夜寄懷夢香

客病又風雨其如離恨深一鐙支瘦影殘夢破秋心聞

說故人到難攜雙屐尋何時訪中散共撫五絃琴

前月君來

蘇余以病弗克見

秋是去年好夢添今夜長美人隔何處蘭芷忽生香客

鬢愁如許予懷渺已忘長卿病差減珍重卓爐有
君素疾

兒莫啼

兒莫啼兒母在時襁褓弗離饑則乳哺寒則衣裹夜半
兒啼抱兒坐誰令兒無母母歿兒命苦兒父出門兒誰
撫兒莫啼他人嗔兒兒弗知兒母泉下提攜兒不得日
日望兒吞聲泣兒莫啼啼者他家有母兒

哀兒行

兒耶無母年十三時兒弗如耶兩歲母離朝索乳暮索
乳兒啼何呱呱兒啼勿苦外婆持粥來哺女
婦歿後思兒爲外姑

撫養吳人呼外祖母爲外婆
昨夜風雨急布衾牀牀溼龍鍾老嫗睡
久熟阿婆夜起親收拾兒耶聞之吞聲泣恍惚夢兒母
向我再三語兒年未兩周務須慎寒暑強欲答一言哽
咽復淒楚嗟爾爲母日無多爲兒婆與耶者柰何

朝持酒

朝持酒莫持酒爾能飲我一杯否生弗共飲歿何有三
旬已似三年久朔風淒以哀庭烏起裴回魂兮知否能
歸來歸來柰何愁多怨多夫壻薄命弗願再有家但願
扶持襁褓兒勿使呱呱而泣朝夜累阿婆阿婆心力竭
兒啼啼弗歇泉下報恩難昨夢語恍惚明日何日葭灰

應律酌汝一觴置兒於膝烏虜一語告君君聽畢送君
之遷兮吾將遠出

將寄楓
圓通寺

長至夕祀先人並設祭亾婦殯宮

典衣無多錢具此薄酒食張筵祀先人盼蠻魂來卽應
亦見爾孫在有涕沾臆爾孫今無家誓言將遠出出門
亦何益況此多病質窶窶志猶違功名事難必再拜送
神尸旋飈曠蕭瑟明年逢此節何以享芬苾

十三哀無母廿一辭且蘭享祀隔萬里攬悲涕辛酸寄
言新逝人代兒奉匱槃慈魂萬一歸與爾應盤桓兒弱
母心慮兒病母憂攢忍睹今日兒子焉長孤單永別曠

十載何時返孤棺仰首視皇穹白日何漫漫

素帷懸尺綃明燭燦雙枝豈無玻璃酒酌以玳瑁卮我
是爾則非爾知我是誰猶記醫者言此病防此時此時
歎已至此病早弗治願爾白髮母願我黃口兒老烏失
反哺雛烏長啼饑我憂何能訴重泉以爲期

代薤露行

淒風入素帷中庭載靈輻貧家百事缺祖饌酒一卮哀
聲何寥寥親戚來者稀豈無長痛人訣絕摧心脾驚波
無回淀朽株斷柔荑丹旌鬱飄飆魂升魄相隨夙期守
形骸今與靈槨辭周求若髣髴仰心復疑出門慘天

色寒雲爲遲遲黃泉路如何此言當問誰我歸子不返
空屋徒歎歛生別尙云悲逝者永無期白首相戀媿況
當少年時已矣命所歸長歌薤露詞

出屋歎

出屋復出屋咨子行何之征蓬戀弱根飛鳥失故枝白
日渺回照浮雲奄空馳揮手謝鄰里去去從此辭薄言
就姻婭寸步存嶮巖念彼泉下人哀此懷中兒逝者永
乖隔生者誰提攜寒冰滑我足朔風裂我肌肌裂弗覺
痛魄在魂已離高高百尺松根斲傷兔絲孤燕巢幕上
鳳凰安得知

出屋復出屋眷此城東隅憶昔來錢唐且用賦吳趨雖
無黃金牀七寶施珊瑚亦有絳紗帳四角垂流蘇明月
如有情團圓照歡娛歡娛一年事白日催桑榆隻翼翔
孤鴛哀聲起夜烏裴回舊宇中魂夢尙或無況復舍此
去如隔千里途魂夢日以杳相思日以紆惟有長明鏡
寒輝耿浮圖

婦極寄
圓通寺

射虎行

射虎先射狐虎昂首直頸不能蜷局四顧惟汝爲之前
驅射虎莫射偃虎攫人如攫羊吮皮剔爪魂守其旁替
身弗得長踣踣涼涼蜚廉戒旦蠖彳亍侍側雌熊咆哮

老猴匿山神乃命虎曰汝其晝巡毋唯人是食虎睚睚
吁吁饑涎流臆目睛睖眙山中來腥風倒捲黃埃遇見
惡兒欲揮老拳虎乃帖耳搖尾作狗態乞憐惟此鳩形
鵠面鶻衣鳶肩朝食苜蓿莫食糞菘腸不肥腦不完那
得飽汝一餐飛將軍聞之大怒束爾矢張爾弩猛虎縱
橫將軍莽鹵驚砂歛翻白日灑雨狐狸逖逃佞鬼哭雷
公下觀失雷鼓虎喪精淪魄酸脛慄股一鏃中目再中
額倒縛南山白額祖班奴班奴爾謂山神命爾於爾何
辜噫吁噦爾罪難悉數吾弗拔汝須剝汝膚置汝座隅
汝以臆對可乎昨叩帝闔見汝笑出當門蹲敦腋參目

張口欲吞九關深閉百獸絕迹汝與元蜂赤蟻索彼騷
人羈客忠臣烈婦之游魂使我雷淵爛上招不得卷舌
入喉弗出一言又不見封使君李家翁喜汝毛質化汝
躬頓令宣城南郡有碧血無蒼穹將軍髮指虎氣折寶
劍出鞘飛電掣竊恐爾族大小一一如爾饜發殺爾豈
足塞我責爾歸好與山神說

長相思

長相思乃不在巫山之高湘水之深明月山口不可尋
離鸞入曲傷瑤琴瑤琴一絃腸一斷高復高兮山有雲
深復深兮水無岸仰視星河夜將半雄烏啞啞枝上啼

月落驚飛無東西下見頭白鳥不識雙鴛鴦裴回處其
間顧影忽自傷年年鯉魚風歲歲夫容花夫容香灰竹
淚滅美人一去雲爲家長相思我欲從之將焉辭夜寒
日短無人知

登高邱而望遠海

扶桑日出海雲開真人抱日觀蓬萊淪波之舟不可到
對面卻射長蛟回龍笙鳳管行相催白濤如山倒酒杯
不能真仙亦快哉鼎湖神器字磨滅片石惟有軒轅臺
王母三年去不返西來青鳥空裴回不如登高望遠開
心懷下际三山十洲皆塵埃君不見飛魚一食甯生灰

石渠灼爍花開始又不見望夷宮中天使來青丸飛出
咸陽市

篋篋引

公何爲耶公不見洪濤汨沒長蛟如山磨雪牙仰看雙
丸跳躑其中千年吸精朝蝦蟇公欲飲兮公有酒公欲
歸兮公有家何爲朝截亂流夕裴回乎龍堂黃輿赤靈
招公不得魂兮索食來何方醒風捲人前虎後偃塵沙
眯目茫茫故鄉不如從公驂螭鵞生不能相依自首耶
歿願作地下雙鴛鴦嗚呼長蛟如山磨雪牙公而渡河
何爲耶

有所思

有所思乃在山之南海之北魚揚鬣鳥鼓翼遺君同心
釵黃金裝頭翡翠飾君有二心釵化白燕空中飛飛入
雷淵爛土雲沈沈兮天不雨魄灰魂不歸東日西月日
盈月缺相思與君中斷絕惡乎悲當風颯颯秋風吹海
枯石爛君知之

醉司命辭在常熟瞿三夢香家作

歲惟戊辰月嘉平細腰臘鼓村村鳴乃有姑蘇秀才曇
雲其字楸堅其名生既不能游岡寘息沈墨開鴻濛窮
省冥褐衣絮帽來作瞿氏客再拜告神神有靈生年卽

逢張角星弱冠奔走且蘭城獐花犴鳥難爲情挪揄拍
手到猢猻驅之弗去填胸惡氣徒膨臍鹽車陂陁瘦骨
折垂頭齧膝亾精英短狐銜弩伺我欲射我山鬼夜夜
窺讀離騷經帝闈不許扣玉狗苟狎猶綠章封事神可
達乞奏下土蟻益臣無狀獨有肝鬲申天庭一語未畢
神厭聽四顧羅列排銀罌赤糜紅友黃羊羹主人

謂夢香

臨奉將厥誠神其饗之醅顏頰手控紫絲趨瑤京天門
碧開天鼓匄訶紫皇玉兔交華瓔左抓鸞瑟右鳳笙司
命神奏事已弭節下赴幽都行忽見錦衣帽頭虬須髯
者來相迎云是上帝曾遣作司命主其祭者惟曹生三

年足以兩閏月移家三次事百更每領朔望香一炷燔
柴盛益誰經營乞得長腰米自煑折足鐺龍鍾僕姬飯
不飽以手鑠釜常喧爭朝見脫釵釧暮已無薪蒸破椽
雨漏溼煙重煤炰入甌伊威盈韓詩破窻伊威盈差喜舐丹少

雞犬僅能搓麪成犧牲糟牀誰釀婪尾酒槐市空憶膠
牙飭狂生老大不更事咄咄書卷胸中撐有時青鞵布
韞訪山水有時呶唔終夜獨對寒鐙檠有時解裘沽酒
竟大醉枵腹一任嘲饑餒頭上幅巾不值一錢耳白眼
醒罵那得容公卿七寶粥五侯鯖狂生咏之弗抵秋韭
與冬菁去歲臘日不歸家抱而祭者盧添丁去冬亦在琴川帝

聞大怒降瘧鬼詩腸一吼瘧鬼驚乃破其家喪其婦使
之窮如張儉窮如步兵九壻八殞魂招不得啾啾鬼哭
一點青燐青吁嗟乎狂生落魄罪自取司命何罪亦復
趨趨填儒阮日逐餓鬼隊肝蠶依誰人

叶

緋袍綠幘黯

無色陰風吹面寒淩兢吉利不吉利

荆楚歲時記引許慎五經異義云祝

融爲竈神姓蘇名吉利

祝融之神乃從顓頊乎增冰雨神來兮車

輪轆雲泥相隔同幽明擊土缶敲銅鈺牀頭樺燭光熒

熒大夫都尉嬌孫童子旣奠厥居康且甯神歸好語太

瘦生

夢香自號

勿學曹生狂態天所懲烏虜勿學曹生狂態

天所懲

短歌

有酒不飲史不讀二十男兒長刺促雌劍化去雄劍愁
筵篋一聲神姬哭皇者地青者天火雲燒日桃花然鴉
嗚碧煙作人語梧宮秋灰三千年鏃風吹釭殺蛾繭吳
刀絞腸雪絲軟雕陵不少秃尾鵲洛下空題黃耳犬去
年有家歸不得打門索逋作土色今年欲歸歸無家翠
燭冷照棠梨花

除夕不寐短歌三章

燭龍鱗鱗抱珠眠爆竹聲散飛青煙銅壺血凍雞人灰
秦皇漢武真神仙琉璃翠鍾小槽滴不飲胡爲長戚戚

荷衣蕙帶楚靈均夜走龍堂撼龍笛

花鬢鬢鬢璣瑜席眞人手中滿桃核黃金堆鉛鑄飛光
九枝蠟淚銅槃積青絲嚼環響冬瓏下馬入堂暖春風
平明不寫桃符紙獨掛街頭賣藥翁

手擎屠蘇醖珀碎榴花香垂垂紫綃帳盈盈鬱金堂洞
房祭樺燭光照雙鴛鴦星娥偷藥驚飛霜黃姑欲渡愁
河梁銅虬一滴一聲長夢跨白鳳叩紫皇紫皇無語春
茫茫

亾婦百日

己巳正月初
三余在常熟

之子十旬隔終宵魂夢牽同埋餘白骨一別竟黃泉殘

雪阻歸櫂關心到紙錢嬌兒未解事誰爲泣魂筵
慟哭復何益我哀君不知剗身空有願放手卽無期百
事傷貧賤三年半別離曇花原是夢何必夢醒時

至錢唐聞補裳刺史卒以詩哭之

不盡人琴感重來事事非新墳低馬鬣老淚灑牛衣祿
命中年好文章近輩稀蓬蒿埋舊宅鄰巷又斜暉
萬峯樓上月曾照客吹簫忽聽子規語吟魂過六橋鶯
花非昔日鐘梵破寒宵蕉荔何時薦巫咸不肯招

兩中游西湖卽事放歌

我到錢唐之二日欣然放櫂金牛湖輕陰弄春曳絲雨

兩峯秀色青模餽馬膾花港別經歲客鬢蕭索成鰥夫
竹娥嘒煙翠綃薄陰陽緯繡不可摹或如海底拗出珊
瑚株或如璇宮夜泣玫瑰珠或輕而翾趙飛燕或姣而
好馮子都或如眾大弟子參文殊施捨瑪瑙兼碑礫我
坐船頭學跣趺肉人不辨仙佛儒銀袍白馬誰家子揮
霍俊味招山厨我醉非醉樂非樂激感直似黃公壚去
年張星落彎弧謂補裳丈蟪蛄弔月鶴鷗呼洞簫客散鷓鳳
孤玉函香骨葬林逋鈴聲替戾語清晝裙腰慘綠淒煙
蕪我不羨安生玉舄游蓬壺又不能手寫五嶽真形圖
但乞年年歲歲西湖長屬詩人租折齒屐禿尾驢衲衣

麤飯神清臘柳絲結帶花裁裾西冷翠燭光有無一朝
化作雙青鳥手招蓉嬈婦歸來乎

慧雲寺看殘梅

繅人結得梅花緣梅花笑我成詩顛吾山絕頂探香雪

天井十里紅霞妍

正月同夢香若溪觀梅
鄧尉天井紅梅最盛

揭來西湖訪

臞仙花魂醉魄欣畱連春陰忽阻明聖權

是日擬
至湖上

聞有

扁鬼傑閣凌星躔

寺有水
星閣

青鞵布韉從所好瘦骨那令

蟲魚鑄玉照堂址七百年侯家歌舞消雲煙重栽紅萼

數十樹間以玉蝶同薦絲嬌雲爛漫十日前銀袍白馬

青絲鞭美人一笑翠鬢偏花底忽墮雙珠鈿一朝零落

誰人憐金鋪玉城悲嬋娟
翠恩自寫明月影地衣蝕遍
莓苔錢玕玕粉薄泣天色

寺多竹

白洋池水流涓涓花兮

花兮何不長住羅浮巔
不見雲裳霞鬢來便嬾亦有青
鳥雙蹁躑胡爲歷劫到塵海
山香舞歇鉤欄邊我欲問
花花茫然相思淚落成清鉛
微覺鼻觀通檀旃齋鐘粥
鼓喧諸天我耶花耶兩泡影
曼陀優鉢空相傳願乞花
身作供養淨土同證菩提禪

清明日口占

杏花雨過草如茵
不見香車碾麴塵
手把一杯無奠處
可憐時節可憐人

黃金鑄淚哭嬋娟

謂紫鳳樓降乩事
子有詩十二絕

兩載閒情屬小筠

邵校書

空將圖畫索眞眞
桃花錯指仙

源路一片斜陽照去人

桃源如可卽人世已斜
陽乩仙題秋筋圖句

百年委蛻竟無兒
慷慨人天永訣時
至竟君章慙死友

九京何處盡交期

君歿之日尙手一
編以較詩詞見屬

聯吟共翦燭花紅
學到金荃句最工
一慟靈牀風雅歇

冷煙疏雨響秋蟲

仙訣曾傳九籀丹
道書千卷束琅玕
蕭蕭松影天壇閉

不見當初靖長官

君好道家
言多祕書

十年空結友朋緣
遺草難將甲乙編
惆悵紫荊花不發

行人莫唱上畱田

同人議刻
遺稿不果

窗白燈紅酒未消
萬峯樓上記吹簫
重來一片山如畫

楓葉殘秋賦大招

送君歛後卽
有錢唐之行

東朱二酉生

綬

故人相勸到長安
獨客還愁行路難
縫衲老僧思退院
戀芻疲馬怯征鞍
文章未抵秋孃價
貧賤誰知范叔寒
又聽黃雞催夢覺
晨星欲沒斗闌干

寒夜不寐感成

朔風吹庭樹
獨客夜裘回去
茲塵念擾
綵彼孤魂
回竈
久無髣髴
但覺形神
摧吾聞諸
古人幽明
一理該若云

本無幽昔者從來豈伊山川阻道遠多崔巍如何傾
耳聽萬象歸希夷沈憂渺難訴觸境悟忽開恩情各相
戀白首非盡期生者有長感死者無暫哀夢寐卽能遇
當復知我誰不見恆河沙化作昆池灰慈燈照方寸燦
燦生蓮臺

寒夜曲

寒鳥去時天欲曙寒鳥來時天欲暮夜長日短多朔風
獨客裴回望庭樹芙蓉緘愁奈冷何起看明月照修蛾
瑤華吹夢知何處銀漢茫茫淚自波

松江鄒女行

有序

女幼字吳氏子九歲而殤女涕泣成服父母弗能奪十
三歸於夫家好事者爲之徵詩

男則讀詩與書女則依父母居女年小小父母鍾愛之
媒妁來言吳氏有兒一語聘定毋待及笄於時父母怡
怡女年幼不解夫婿爲誰但知終身日後長相依朝間
堂上暮歸房櫳私告阿母夢見一鳥折翼投入懷中不
知吉與凶阿母聞之不置意明日吳家凶問至阿翁謂
吳家天殤亦常事況復正年幼婚姻大可議女弗顧父
母嘆父母許我已作吳家人莫道年幼一日終身男成
女有服易我繡襦換我裙父母不從甯使地下相親朝

食弗食暮餐弗餐有聲無聲眼枯淚難九歲斷紅綠十
三不戴釵與環上堂告父母去去從舅姑風吹金井唳
夜烏晨妝催上六萌車亦有錦帳垂流蘇紅燭黯無光
舅姑心旁皇百年共此一杯酒未識黃泉兒在否九歲
叵兒有新婦但願新婦長健強兒之福命家其昌洞房
何必雙鴛鴦鴛鴦生而頭白不聞自小相乖離枯松不
盈尺自有女蘿來扶持

蘆花

衰草寒煙滿目秋雁聲唳近木蘭舟江湖一夜西風起
人比蘆花易白頭

雨

雙煙篆冷博山熏
小閣聽殘到夜分
但有天孫長灑淚
何曾神女解行雲
歸鴻路遠驚行斷
獨客寒多仗酒醺
最是萋迷芳草色
可憐還憶翠羅裙

姜大

廷璨

姜四

廷璵

朱二

綬

同游虎邱卽詠

舊日桐橋路垂楊
引畫船今來問花信
春老又啼鶻樂
府清商曲佳人錦瑟年
載歸無限恨初月正如絃

雜詩

歲與髀肉增名隨蒿里沒
咄咄田舍翁堂堂廝養卒
鳳凰困笈中勢讓鷓鴣
高恩怨滿天下何必無寶刀

縱橫非無術義利視所就一矢不言功千金甯足壽
仰天出門去日暮躊躇歸高岡無松柏蔦蘿獨何依

短歌行

饑虎入窞不如羸羊羣雀一飽笑彼鳳凰一解胯下非

辱一飯非恩男兒無家不如出門二解陸行無車水行

無舟顧瞻周道我心則憂三解瑤琴不彈凝神太素良

驥不行踟躕其步四解春卉萋榮秋葉颺零目無故物

心存正靈五解

來日大難

來日大難寒冰裂膚虎豹當關壯士戒途漸離擊筑翁

子負薪世無知我亦云有命叶新聲競歡眾口雲附戛
然一彈鸞鶴避路登山見高臨水知深撫心茫茫揮我
玉琴安得雙翼翔迴雲端所思不見涕下決瀾縑絲絲
長多憂則傷高堂置酒一醉千觴衣綻可紆絃絕可張
游子失路胡爲旁皇

悲歌

蛇行從龍徧九野我獨何爲在人下秋蓬離離風吹之
起獨客無家出門千里生不博萬戶侯死當寂寞歸山
邱日落不落天爲愁狐狸媚人見我則舞褰衣從之前
俛後虎

別朱二綴沈大沂曾沈二彥曾

意氣文章兩見真，搏沙聚散感前因。
在家早已成羈客，遲去翻緣戀故人。
舉念已消中散憤，遠游難療長卿貧。
相思夢繞橫塘路，愁向汀洲唱白蘋。

北上途中有述

在家苦無友，客行苦無酒。
安得青田核，長爲曹生壽。
齊魯千里封赤土，半農畝天瓢不可翻。
馬前看北斗，白日塵埃昏雙輪。
如蓬走街，碑訴皇穹以土塞我口。
買山縱無錢，歸耕尙有耦。
一飲三百杯，浮雲化蒼狗。

擬古

歲景日以促愁思日以長愁長歲不假今古徒茫茫清
霄鬱寥廓翩翩孤鳥翔冥翮託叢樹悲風起四旁志士
助所貽幽蘭貞夕芳凝流阻方權寒雲帶重岡騰趾有
怯步鑑形無恆光踟躕撫年命惕焉成永傷

飛鳥入遠林層陰匝大漠周衢少廬舍頽垣繚城郭
槭曠葉零淒淒凝筋作涼飈動虛牖客子念玄薄歲晚
冰雪勞皎日安所託孤芳挺勁姿元景闕厓嶠後彫葆
金石朝榮識華落清徽怨綺琴玉貌嘆羅幕素心良隔
絕盈觴不能酌

客從故鄉來

北風日夜寒游子正衣單衣單無人識欲歸不可得客
從故鄉來歡顏逐書開一一寄衣履密密裁羅綺羅綺
豈無光遠游多斷腸妾心手中綫珍重託千行千行併
萬緒不如早歸去而我獨無家含愁向風沙

三河縣齋遣興

直北古檀州黃雲塞外愁雁聲離漢月馬鬣動邊秋壯
志徒慷慨鞦韆漫去畱依人王粲老何處一登樓

未必貪蟲臂何因食馬肝勞生宜守拙多難敢求安攬

鏡鬢毛減披衣風露寒靈泉如可汲相約叩雲巒

縣北聖水

山有泉可

愈目疾

雜詠

朔方多嚴飈庭樹無春榮浮雲黯日夕裴回故鄉情撫
今悼荏苒懷昔感紛更圓景麗清霄三五迅缺盈陽和
發嘉藻誰能遏其英薄游滯行旅長揖離友生綢繆追
夙好契闊負前盟明燈輝四壁夜氣一何清絃歌以寫
哀忼慨起商聲安得雙黃鵠從之東南征

清露灑崇舉芳蘭竟彫歇恨無百年期已作千歲別中
夜拂素琴音塵久遊絕天宇廓纖翳脚躡向明月悼往
恨容微循虛感時節質逝神不留情遷恩易缺黃墟有
長麻衾幃爲誰設誠思構遐眎髮髯存疇昔疇昔難以

追肝腸忽摧裂願爲合歡襦同心託雙結

入夢

入夢依稀是悲歡雨不知覺來看枕上忽有淚痕垂

燕臺雜興

春明華轂走晴雷碣石東連曉色開拒馬長河猶繞淀
呼鷹舊澤已無臺漫將六律煩鄒衍好費千金用郭隗
遮莫豐宜門外去名花還向上林栽

三更三點到三河

元主對脫
脫丞相語

彈鋏頻年客思多燕樹叢

雲低野鶻薊門嵐翠潑晴螺空餘屬國丁年恨猶有佳

人子夜歌便向城南尋萬柳一天驟雨打新荷

曲名見
輟耕錄

官柳陰陰夾御溝，豐臺花事續清游。知名未改羊欣席，
扶策空憐季子裘。駭鹿荒場春草碧，盧龍絕塞暮雲愁。
無端丁字沾頭水，直送鄉心夜夜流。

送大姊南歸

倦客惡離聲，自昔難爲情。何況骨肉間，未別神先驚。我
生尠昆弟，堂前有女兒。少小別姊時，夙詔關山橫。辛酉夏與

姊別於
漢中

迢迢夢魂阻，忽忽歲序更。護根痛夕萎，椿樹敷

冬榮。泊子受家室，百患平遽攢并。苟令易摧傷，穉康徒

憤盈。未遂鹿車願，聊作燕臺行。

庚午夏偕姊婿
陸慶陔北上

十載乍

見面，絮語挑鐙檠。有兒寄外家，啼笑憐諸甥。知我所嗜

好日買酒一罇秋風起重陽榜落劉蕡名三河百里遙

席帽隨身輕時復策馬到未用齋書迎人事多錯迕笏

觀空盱眙無端失犀角淚向童烏傾去歲得甥十一月而殤親見

脫蓼珥老米量斗升閉門一甌粥餼金百歲羹廉吏後

獲報此事良可憑君舅南橋先生官京師勅於任慶陔已得官長安不易居

勿憚三千程早知歸計好無那離思縈悠悠潞河水直

北飛心旌羣鴻渡桑乾毛羽紛鮮明何由脊令鳥隨之

向南征

次韵答朱酉生綬見懷卽述來書中意

記昔傾衿後相逢又白門文章雖見許意氣敢輕論宿

草添新淚緜袍感舊恩
阮生有至性使爾亦銷魂
長貧况兼病老屋困牛衣
落日一何淡美人長不歸
空餘斗酒設休更素心
違欲整題襟約秋風萼菜肥
津頭楊柳樹吹絮過江來
風日雙輪驟關山一笛哀
何人能辨命如我本無才
郭隗臺邊去寒雲夕未開

通州

潞北煙沙極望迷
寒城萬雉漕河西
中興昔日驅銅馬
神物千秋見鐵猊
柳巷濃陰遮御仗
漁陽歸戍厭征鼙
昇平自覺梯航便
館驛來賓兩字題

臥虎橋邊驛路平
片帆雲表見神京
新秋漲落觀音寺

舊道河開總管營內府水衡支糙米大官玉食進香秬
登臨直接蓬萊界白水蒼茫草不生

策馬虹橋首重迴好持羽扇障塵埃利抽竹木分皇店
藁葬英雄賸將臺鬼哭燕山軍器滿龍驤海島戰船開
鰐魚一進誠多事夜半梟鳴萬古哀

議事團亭舊有方十羊九牧制更張轉輸力盡供軍校
香火錢容乞內瑤壩上春祠連馬苑廠中木稅給駢房
一從 世祖安神鼎左輔山川拱 帝鄉

燕中懷古詩十七首

齊桓用夷吾北師伐山戎蔥菽布天下猗與表雄風燕

昭恥未雪机榷撫辱封千金致龍媒再拜碣石宮望諸
建奇策鄒衍和律同長驅破濟西連城克崇塘仙臺一
朝成妙舞旋娟容甘需不復來霸圖誰始終

七龍擾攘際主父亦雄才北收林胡去西瞰函關回累
土三百尺春暉射叢臺茗華荷新寵共醉流霞杯歌舞
爲君懼絲竹爲君催翟犬夢旣兆毒孕蕭牆災瑯輦不
復返離宮生翠苔玉簫聲斷絕金鏡光沈埋漳水自南
流蕭蕭千古哀

大臣格君心道在乎以志何在京君明屢數論災異長
儒雖云慙未聞比幽厲豈惟考功法切中宰相忌涌水

一朝出道人徒憂悻誰將奏章傳母亦忽機事
身豈無由惟師乃知弟

曹公假節鉞大軍征烏丸先辟田子泰握手如舊歡慨
然用其謀間道踰白檀遂致袁尚首三軍奏凱還功成
不受賞狷介良獨難石趙破城邑簡別其衣冠峩峩君
子城勝築大將壇

東晉偏安時神州歎淪沒宣武亦雄才無功事征伐惟
有祖豫州機深謀未發勒兵據譙然自守眞上策闔外
重專寄大小聽經畫擁節者何爲坐制其肘腋長城每
自壞憤欲投冠幘遂使共被人莫解陽九厄

明皇喜邊功幽平昔用師艱哉青萊粟浮海供軍資范
陽古重鎮兵柄假犖兒赤心既難問宛轉傷蛾眉征遼

記開國想見虬髯姿天山躍馬回猶有將臺基

將臺在
通州西

相傳唐薛仁貴
征遼時所築

惟宋乾德初朝廷志北伐假寶經世才封章建十策皮
室三萬眾屈指計兵籍軍行有鼓角軍止無塹柵制勝
在伏兵料敵如咫尺前軍與後軍臨事豫籌畫奚霫與
渤海成事議封冊一朝白羽揮孤注何容擲子孫金幣
多江山成半壁

魏公本儒臣屹然鎮朔方明威誅悍卒大義申邊防三

陳法旣精作止皆有常桓桓紀律師定武稱最彊哀鴻
起中澤力欲消天殃遂凜率由意建彼閱古堂古人且
難及後來誰頡頏德政三十條日星同煜煌

吾讀邢州記掩卷長咨嗟元初下河南兵威無不加重
臣括戶口分地錯犬豕五戶絲一斤所取不爲奢達刺
罕部屬一萬五千家奸吏肆股割血流慘鞭撻責民償
賈胡束縛同豨豨有門塞以土地穴開谿窳豈無百里
宰人呼爲鬼衙至元改初政賢才詠兔罝非種旣已鉏
萬彙方萌芽

輓粟起秦代轉輸一何勞隋唐事邊功東南竭脂膏分

流注白河如雲集萬艘有時隄岸決河朔罷征徭至元
議海運力欲驅鯨鼉朱張亾命徒一擲輕洪濤建牙萬
戶府鈔印殊恩褒黑洋連綠水往往人船漂水湍怕風
險沙淺虞舟膠吳兒求得官試聽直沽謠

救荒無奇政治水無奇術長吟瓠子歌魚龍迫冬日瀛
海匯眾流雨潦事難必在昔隆慶中滹流忽奔軼坐看
千畝平又報金隄溢于生籌水患孫賈言可述北決要
害亭順其性所汨民居苦轉徙當事難撫卹穿渠資灌
漑一一講封洫但勤疏濬功卽省隄防力中策斯爲美
陋彼宣房塞

文皇建北都尾箕叶辰猶玉鶴從南來神宮卜天壽狼
山烽火逼戎馬紛雜蹂雲屯土木堡倉皇事北狩少保
社稷臣功可十世眷一朝議奪門東市無人救碧血灑
萋宏帝闈不可扣銅駝感往事聊欲飲醇耐下馬裕陵
園摩挲餘石獸

首善在邦畿千古重講學鄒馮兩先生實秉東魯鐸築
室時雍坊工師勞樸斲歧涂卻莊老正軌景濂洛奚比
漢諸儒壇坫徒相角辨哉童蒙疏簧口肆謠詠各自惜
精神斯民誰能覺朝廷付委鬼沈冤痛幽壑絲竹閱頽
垣伊人不可作

漕防古有法稻人稼下地罔卿官尙寶奉詔興水利後
雖美成效始則驚創議指畫山海間頗得井田意惟欲
開河工民勞財亦費滹流不可復禹功誠難繼斯時抗
疏人公言非有忌吾聞北平境瀕海地多棄紛紛議開
墾絡繹委官吏誰能如徐公實心以任事

漢舉力田科賜租念民瘼納粟非善政聊以備邊略左
公籌足餉力疏議屯學美哉經國謨言之真鑿鑿軍商
各占籍何用待農薄襪襖誦詩書孔門定不卻旣已來
遠人又弗混土著實心副實效井田猶可作豈徒省轉
輸如雲看秋穫

太行蜿蜒來井陘扼其吭嶮絕土門關連峯作屏障懸
車不可度一夫力能抗弗從左車謀遂見淮陰王當時
穆天子驟耳犇蹶放校獵劔山西赤帟盛供張紛紛五
代際馬上爭得喪兩鼠鬥穴中白骨劓青嶂寒雲射燦
高關門兀無恙

東望臨渝關海水當其衝城根覆鐵釜木石眞無功北
據兔耳險南枕碣石雄當時腹裏地絕塞開盧龍古戍
尋綠疇曠野寒青楓緬懷武甯勳於此築垣墉戢戢五
花城紫氣佳龍蔥
聖朝統無外玉帛萬軌通區區
秦函谷乃用丸泥封

七月七日雨謠

七月七灑淚雨銀漢迢迢向誰語
風吹殘霞斲機杼

八月十五日登薊州獨樂寺觀音閣

日射觚稜爵春巡此
駐鑿象尊無上士山揖古中

盤附郭人煙密餐風佛地寬
我來正秋半高處一憑闌

城東萬壽寺與智遠上人閒話

初地偶然到喜逢開士談
衲雲歸薊北蘿月夢江南

曾到金山 賸火煨禪榻殘秋冷佛龕
此來何所見吾欲問瞿

曇

更無些子事且喫趙州茶
我亦如行腳浮雲何處家名

山容挂錫秀骨定餐霞臨去一迴顧幾叢寒菊花

五星篇贈張雨巖觀察

森

并呈葉琴柯師

生不讀聿斯經不知何者十一星但聞三命抄略始自
陶貞白繼而傳者乃稱珞球與醉醒天干地辰相配合
其中消息一一皆流形可笑富春子口吹鐵篴無人聽
吾師登朝參白筆無事亦習虛中術張南周北本比鄰
何況同年更情密我時在座聽說五行書笑指壽夭貴
賤百算不一失師曰爾來前欲知休咎何必占金錢爲
我辨八煞爲我推星躔最重安命法其餘看流年蒼頭
早起聞剝啄示我一紙繼善篇噫嗟嗟我非日者非歷

翁我不知我能知公文昌熊熊射析木一粒還丹手中
熟一十五星郎位安先生棒檄官皋蘭忽然櫬槍字字
變星冠公也上馬能殺賊碁卜甯師黃石公旄頭一落
天弧直手草露布達 九重 帝錫銅虎旌其庸兩

白鹿三黃龍歌襦袴歡喁喁張君爲政今再逢從官禱
疾疢銀章不佩黃堂印車轄兩頭催河南大尹歸家來

君守彰德三載以疾去官我昨瞻瑤光窺玉衡少微不抵台星明福

星再來瀝酒賀斯人不出如蒼生公曰諾哉卿言亦復
佳一韓一范事業先安排如卿年少亦奇士胡爲酒酣
拔劍傷其懷噫嗟公能知我我不知願向先生進一

辭公車待詔足履窶命宮可是磨蝎纏黃門長簞夜蕭
瑟可是匏瓜本無匹我所思兮在醉鄉維北有斗不可
挹酒漿我所思兮在九垓手無天籥安得天門開視我
鼻無梁柱相我額非山庭柳汁不灑銀袍青何論腰眼
圍萬釘公不見贊甯生無壽貴處有人避雨茅檐去又
不見韓王軍校同日時遷除責罰無參差不然羅喉計
都紫氣月孛躔度過此中閱人亦已多公豈虛高祿命
言之訛我喜且狂狂作歌謔謔惟恐師所訶

君與琴柯
師爲同年

長歌贈方鐵船工部

元鷗

卽用其體

前不見古人李杜韓蘇奄忽隨颺塵後不見來者陽春

白雪曲高而和寡一鐙未滅一鐙起中間生箇鐵船子
我讀其詩知其人惟有漢方朔晉淵明落落差可擬大
夫上書金馬門先生五十始領銀袍恩五斗米不折陶
公腰先生醉顏長醅陶笑呼騎曹作馬曹興來作詩不
問漢魏與唐宋力壓邛山萬牛重酒杯一搗詩一縱氣
之奇黑風吹水四角蟠蛟螭才之大靈書玉券千里馳
輪軟詞之工浮圖鳴鐸妙應中黃宮少陵號詩史今之
鐵船樂府是太白詩中仙先生朗吟入甕天君有甕詩
天行星上燭六丁懼此板一行同鐵鑄君詩集
已刊揭來長安買
屋居百城高擁瓊嬛書水曹似水門無車太常齋禁自

弗犯赤腳老婢參如如

君好佛博
通內典

忽然酒龍渴吻開碧

琳腴釀一飲三百杯
圓光覆頂慧眼照笑指三山十洲
皆塵埃不如高築糟邱
臺玉松御史金闈彥手把鐵船
詩數卷山公醕酌阮籍狂梅花人日開春宴我欲乞君
詩焚以蘭煎百和之膏和以宜城九醞之醪肝腸洗易
渣滓化一奏再奏聽瓊璈胡爲乎披裘帶索徒煩勞我
欲買黃金作詩寵不師老子不奉瞿曇再拜而呼賈島
佛箇中三昧交相參胡爲乎風檐下筆爭春蠶紆者青
拖者紫畢竟傳人能有幾北邙山高冢纍纍億億萬載
惟有詩人之詩長不灰君不見鐵船子

題鐵船詩鈔後

崑山啓南音有娥始北奏因之風雅頌千秋詩俎豆漢
魏尙氣骨去古不離庸齊梁矜藻華朱丹飾雲構風會
使之然誰能事匡救沈約辨四聲切韻苦研究浸尋講
格律雌黃轉紛糅分唐與界宋操戈自相寇譬諸家弗
和姑婦生諄詬衣盜奉單傳斷斷直恟愁亦有宗性靈
食案笑飢餒快茲曝背談百篇可立就從黨或從田袒
裼爭左右欲起吳季重更與說肥瘦合同而化難挂一
萬斯漏五祀竈門行豈獨主中雷四時寒煥溫豈能拘
一候言大氣弗盛如牛聲出樞幅窘思弗祕如飢探雀

數平生敝帚享千金敢求售雖未三折肱不啻幾反覆
美哉鐵船詩歡喜一朝覲務埽陳言陳力破陋儒陋就
其大言之光茫射列宿四海復四海眼孔溢宇宙鯨喙
百八鐘一一蒲半吼其細亦已甚蝸角兩蟲鬪三年睨
蝨輪一發不虛發筆力更嶄絕秋空刷雲岫縱幽起蟄
龍窮險扼犇獸剝蝨絲繚纏品石痕瘦透削膚魚去乙
芟俗燕避戊當其下筆時飛淙颯奔湊殘編開汲冢奇
字畫史籀珠耶珠能銜玉山玉可漱恍入蒼荀林巖香
不容歟有時泛稗瀛笑捉仙翁袖麻姑汝來前行廚一
尊侑砵作鸞鳳聲風吹五銖皺有時說陀羅黃面參雪

寶騎驢覓驢剛以馬喻馬又瀾翻廣長舌辛苦證阿耨
片言括三根泡影悟浮漚伊余磨蝸纏勞生苦僻僂筆
穎老而禿研田枯未收卅年哀樂過兩字功名狂聊以
不平鳴直木謝鑄鏤啞鐘非不調大鳴勞大叩苟能見
神奇遂欲化腐臭君詩則服膺金篦刮矇眚贈逾碧霞
裏失喜元珠購不逢餘杭姥那飲宜城醪從君得三昧
弗語嘆詎譎神工運鑪錘妙理軋膚腴一字肯讓人千
言未爲富靜若據梧瞑疾比銜枚走在天應星精在地
鍾嶽秀楮生大造化十二萬年壽

疊韵答方工部見和

五湖漫擬釣竿投一笑堂坳泛芥舟豈有淄澠能別味
從來涇渭總分流浮生歲月驚蛇尾抵死功名託雁頭
消得盧仝茶七盃清風入耳妙於謳

鮎魚上竹笑都官此事原同嚼蠟看天放好裁無垢服
地行先著遠游冠莫嗤蛾火捐生易須信蟲沙出劫難
我欲回身隨怖鴿怕他鷹鷂厲霜翰

便蹋芙蓉頂上行準將鐵篋付劉衡偶藏橘殼容游戲
漫剝榴皮變姓名是處黃梁消渴睡幾多朱雀護長生
圓成十種阿難笑一樣來程與去程

先生一見指翔鴻

用郭瑀事

過眼升沈那被蒙播弋終爲文

采果退飛甯俟羽毛豐無患我羨神邛鼠有志誰乘瀚
海驄學佛學仙都未了婆婆且放醉顏紅

疊韵答方工部再和

癡瘵逢君礦石投前言一笑破膠舟爲山那肯容虧簣
掘井何因便到流天上鳳吟空足足池邊魚影忽頭頭
散場鐵篋吹還早重把吳歛付主謳

來札有鐵笛散場之語

欲呼御史本無官世事從教反覆看樂廣自知先落駑
賁公何意尙彈冠青紅畫作千般易黑白棋分一著難
退想不如鸞翮鍛罡風力足墮輕翰

寄居難免逐人行抱槧何勞著論衡與我周旋聊避俗

此公眉宇合逃名諸天蠓蝶容游戲大地蜉蝣感化生
借問恆河沙盡處欲荒三界幾多程

來化天機證雀鴻太初消息見屯蒙苦吟長使鶴頭側
奇表不爭犀角豐未必癡人能夢鹿偶然貴客有隨驄
曇花開徧原無色且看晨飛意藥紅

曇中多優曇
花色皆白

寄葉觀察

紹本

申甫不世生精英間鍾毓方寸鬱滂沛誰能知所蓄先
生廊廟具蘭錡推右族十年鷓鴣冠藜火校天祿男兒
少奇節母乃羞躡躡漢官給事中出則爲郡牧不聞龔
少卿力行化齊俗櫬槍偶流見毒口蠶虺蝮張弧一車

鬼小醜自迷復有 詔命六師是乃干大戮軍興急良

籌國士登薦牘

時剿辦林清餘逆先生以道府棟發直隸

一朝建隼旟千里

馳鹿轂東郡古都會翠壁枕沙麓

山名

南流白馬津故隄

障河曲六郊方峙糧三軍勞轉粟過師枕席上賢哉趙

翁叔雷霆警天威困獸勢日蹙捷書傳露布寒鋒洗霜

鏃洪惟 寬大恩中外久允服一二梗王化非種必粗

剛 朝廷用儒臣意在廣教育卽看偃甲兵先事課耕

讀公非撥煩吏赤子舉相屬近聞數州饑居民食半菽

要當裕其原人情遂所欲蕩蕩法網寬老死誰肯觸汲

黯治東海大指務清肅道州憂黎庶乃有良吏目庶幾

揚仁風賣刀爭買犢他年奉朝請黃金賜休沐還資夾
輔才醲化返瀉樸致身非偶然出處蒼生卜長歌託鸞
皇雲霄恣遐矚

東方工部

自識貧非病人言醒亦狂今無漆園交此是水曹郎荒
徑夕蛩語晚花秋露香輭紅吹不到詩夢十分涼

十月二十七日過方工部留飲劇醉卽用工部集

中酒星長短句原韵賦呈

昨日城西訪老鐵談詞出口揮雲霞袖中詩作鵲頭字
老鐵見之咄咄誇詩仙詩鬼任君位置我不知何者名

家與大家酒星熒熒獨照文字飲此耳久厭轟箏琶一
杯消壘塊那愁弩落驚懸蛇一杯中賢聖那羨入山餐
胡麻玉山未倒雪山屹酒腸詩骨同醺齟案頭拍張發
狂論躑躅餘子徒鳴鼃大呼千載不灰之詩魄澆以醴
醪酒豈有道殉窮鬼能飲撇開口說唐宋俗骨難接爬
徐爨惡詩洗不得祇有快刃煩鑊錙我欲高吟帝子曲
飄飄御風窮九遐鐵船道人駕船過見我大笑張吧呀
此子太狡獪亂嚼冰雪飛琉璃信信玉狗蹲擊之以馬
撾天門砮開天鼓振神仙上界靜不諱中有鳥爪孃幾
日不見兩鬢華蓬萊水已涸揚塵到三叉安得扶桑繫

日車世上小兒學語長牙牙坐我清虛廣寒之月府閉
目不見恆河沙是時老鐵初游化城返手執楊枝一灑
陀羅花喚醒詩魔酒魔萬萬古低眉說偈勞咨嗟城樓
鐘已動點點來昏鴉子歸且作千日醉高談何必窮義
媧酒龍得酒氣磅礴蜿蜒而去誰能遮大都銅陽竹林
之輩比我應不差杳不知天之角地之涯鴟夷一瀉流
成窪嗚呼仕不能致主澤民坐食太倉粟不如歸去一
觴一詠官奴日日同蕭哇